

古來間氣不多得依稀魏博顏真卿風人流惠當年事  
執筆躊躇欲滿志世間盡如此婦人臨難忍使綱常墜  
展卷殊覺日月光千秋萬歲長不易

鳳城荒址

車明理

邑進士

惠波北去古城荒風雨蕭蕭送晚涼入望川原迷遠近  
徧郊禾黍雜青黃衝開暮靄橫鴉陣隔斷秋雲度雁行  
黃霸政成靈鳳集至今故壘倚斜陽

重修龍泉寺

黃朝薦

邑進士

荒苔歷落隱祇叢古木蕭蕭肅晚風徑折層崖春草綠

泉生幽壑野花紅幾年寂寞鐘聲斷此日皈依覺路通  
自是生公會說法石頭亂點水灘中

石梁舊跡

尹奇遇

邑人  
別駕

閒來弔古石梁邊石臥星沉不記年夾岸劈開龍漱骨  
中流放出鳥鳴絃晚霞色映高低樹野草晴浮遠近烟  
爲問此橋何日續好將題柱過橋巔

題竹社

張煥斗

邑人  
茂才

幽篁落翠拂晴烟外直中通節更堅嶰谷有聲吹律呂  
淇泉飛綠咏詩篇光搖赤水元珠色影上華峰玉井蓮

何處相看須問主此君原是有入憐

辛未石固看牡丹憶花隱主人

邑令渠陽何

鼎晴山

溱洧之傍春漠漠牡丹花發香成幄飛瓊着意弄奇葩  
佳種每從天上落名花自古推洛陽天香國色還如昨  
妖后催開一夜花花王不肯隨凡萼傳聞貶自上林東  
當堦曾見翻紅藥逸士園林花滿徑牡丹偏愛開尤盛  
陰晴寒燠候天時象箸高低解花性灌用楨流洗耳泉  
製就長鑿白木柄遊蜂狂蝶不敢窺朱朱粉粉光難定

六宮粉黛朝至尊蛾眉皓齒交相映青樓妙舞醉春風  
翠館凝眸臨曉鏡別有冰肌縞袖姝妝成端坐房櫳靜  
長門獨立聽宮車白頭吟阻相如聘昔日愛花隔遠道  
昨歲看花苦不早春曉花深憶夢遊遲來飄落迷芳草  
此日晴和正及時諸紅孟白逞天巧花因餘閨故開遲  
花爲知心分外好曾說名園各擅長前有金谷後辟疆  
引流鑿石構奇種白碧桃樹紅扶桑繁華鬪盡風流歇  
春圃無人苔徑荒茲園歲歲花相似花謝花開殊未央  
花隱主人壽百齡日昇籃輿遶花行屈指三萬六千日

風來不動護花鈴當時乍見頭如雪花下婆娑笑語接  
指點花名按譜推至今一人能說年年嫩藥長青蕪  
妝點春光入畫圖千瓣紅英花朵在數莖白髮故人無  
令子賢能守故林萬葉千枝依舊春秋風又欲朝天去  
每到花時憶玉人

弔邢憲副暨夫人袁氏及二公子舉家死難

何鼎

文臣慷慨去勤王一談忠義鬚眉張令妻賢子前後死  
父老能言泣數行當日監軍奉詔急五千部曲乘宵入

再傲青齊守故城徧地流氛多梗塞率騎經過龍岡道  
忽逢敵騎前鋒到拔劍何難拉朽功據鞍盡說揮戈好  
孤軍苦戰日將斜數匝重圍箭似麻持矛瞋目千人廢  
勒絕驚顛白鼻騮神威凜凜氣如虎敵中亦識將軍武  
親慰軍前來勸降仰天大罵身嬰斧戰馬悲鳴失主歸  
青蕪白骨亂公屍季子哀號無處覓旋風光裏辨親衣  
寡鵠孤鸞返故里路經曹邑妖氛起攜將二媳一女孫  
英魂抱石寒潭水一門碧血土花鋪臣死君王妻死夫  
還悲仗義兩公子櫻城死賊血模糊仰視皇天白日速

道傍何處尋碑讀  
兩洗金瘡恨未消  
草迷荒塚人誰哭  
嗚呼天道總難憑  
誰使忠良少  
後人數行青史千秋在  
造物由來最忌名  
君不見中原雙泊邢先生

子產祠

何鼎

先賢古廟倚高臺  
臺上陁山空翠來  
畫壁春秋走艾老  
靈旗日夜隱風雷  
政成火烈歌思遠  
鑄就刑書法網開  
瞻拜幾年漸衆母  
田疇猶喜不汗萊

卓太傅驅蝗處

何鼎

遺踪猶在不能忘  
北日還思漢代良  
廟說神君曾渡虎

又傳太傅竟驅蝗野田到處登禾黍循吏山來動廟廊  
蘋藻至今存伏臘土人遙指碧流傍

陳太丘故里

何鼎

井里遙瞻潁水東偶來憑軾仰高風德星夜聚驚天象  
雲路春深識漸鴻令于千秋傳二妙徵書十道却三公  
猶聞父老談鄉曲飲食時稱陳仲弓

鳳凰城

何鼎

郊原雉堞古城荒曾說城頭集鳳凰太守去思留潁水  
靈禽來日候朝陽岐山舊跡迷芳草阿閣空巢失畫梁



長壽縣志 卷之二  
此地亦經兵燹後春風惟有燕飛忙

鍾繇臺

何鼎

造字臺空蹟已荒揮毫太傅繼輝光當時妙法龍蛇動  
此地清池翰墨香弟子追蹤王逸少功名悔事五中郎  
郊原何處尋遺趾柳外鶯啼下夕陽

白家村

白樂天故里

何鼎

堤邊柳色映柴門云是風流白氏村一代衣冠人已沒  
千秋儒雅姓長存鷄林錦繡香山句司馬琵琶血淚痕  
懷古春郊愁欲絕隔溪燈火近黃昏

外山河小樓中 天地寬到來疑跨鶴狂吟獨憑欄

晚登陘山

李重素 邑孝廉

西日登山際川原一望平雲流國子塚烟鎖許昌城石

蘇斜陽碧林花返照明催歸云薄暮不盡躋攀情

子產祠

程日鵬 邑庠生

高臺古栢歲長春遺愛千秋洎水濱黍稷時供新俎豆

田疇每誦舊輿人雲生石塚聯嵩嶽渡近城隈達汴津

一自當年稱衆母接來慈父惠相因

徐元直祠

程日鵬

爭奇三國士大節讓先生方寸爲炎漢勛勞託孔明恩  
懷母氏重義屈子身輕計脫雄曹去忠全孝亦成

白樂天祠

教諭新安呂賁恒

白傅千秋在荒祠夕照間風流傳洎水名姓重香山里  
俗疎蘋藻詞人馭往還當年江上淚應爲破愁顏

雙洎河和元素弟韻

雙流溱洎浸原田一帶孤城碧樹烟禾黍影連秋草地  
雁鴻聲近夕陽天漁人網罟千家市估客江淮萬里船  
聞道潁川多異蹟衢歌社鼓似當年

時觀社

葛仙翁擺藍池

何鼎

曾聞鍊藥依深潭爲愛奇踪且往探  
一是仙翁能守黑  
至今池水盡拖藍烟霞有地留丹訣  
塵世何人叩石函  
勞吏風塵愁欲去白雲回首正多慙

弔尹烈婦李氏

何鼎

櫂槍夜渡大河濱死節從來不顧身  
聞道香魂飛掣電  
曾將羅袖幃風塵一絲骨肉存孤子  
萬古綱常屬婦人  
每覽遺編一憑弔還同黃絹寄貞珉

弔王烈婦李氏

何鼎

赤眉金帛劫王孫欲去深悲妻子存一死許君領碧落  
大河遶跡渡黃昏臨危方見閨中節飲恨時啼月下魂  
青史千秋書姓氏至今誰不弔花村

弔路烈婦韓氏

何鼎

辱身相見生猶死清白全貞死亦生夫子憐余仍曖昧  
公姑畜我亦原情從容囑婢傳無負慷慨驚屍怒未平  
相訣一尊千載恨士林猶恐愧芳名

長洲觀

王之珍

庠生

樹歷蒼烟老臺臨綠水寒山門雲石斷僧舍雨澆殘檻

詞

水調歌頭

葛仙翁擺藍池

邑令何

鼎

晴山

幽徑駐靈跡池水膩揉藍也曾星映月浸金鼎夜燒丹  
幾處垂楊路窄不覺溪山罨畫紅雨隔仙凡鏡徹照清  
影一洗俗塵顏流蕙藻浮沆瀣響風湍仙翁一去碧  
落雲鎖石橋灣遠近花邊怨蝶來往松梢愁鶴惜別夢  
中山徙倚臨寒碧贏得片時閑

滿庭芳

白樂天詞

何鼎

柳韉蠻腰櫻嬌素口還記太傅風流翠蛾微映紺殿鎖

松楸當日紅思綠想妖絃急衫濕江州庭前樹黃鸝叫  
處依舊惹春愁 勲猷今古業香山秀句亦足千秋自  
怡情嵩少吟筆清幽留得衣冠俎豆垂楊外二麥初收  
凝情望烟霞九老時過碧山頭

霓裳中序第一

雙浦秋波

何鼎

秋深細浪息斜觀遙天無限碧川底殘陽欲濕是兩水  
交流蓼花紅白鷗浮鷺溺泛空明纔漲三尺依稀似眼  
波微溜淡淡遠山側 還憶鏡湖愁隔木葉脫靜涵翠  
積涼颼吹動彩鷁記嫩浸尊綠香生蓮葯臨流曾送客

和冷雲歸舟未識晴霞外芙蓉清影照見好顏色

齊天樂

白樂天祠

李重素

石羊夜起金鷄翥驚傳樂天孤墓一水環清三岡拱翠  
鬱鬱佳城深處芳踪如觀看長慶文章元和賢輔宗匠  
名臣飄然完節歸黃土我來尋碣表著向泉臺繪像  
粉榆陳俎雨膩紅桃月搖碧柳髣髴當年歌舞權奸闖  
豎任草斷坟荒倩誰瞻顧廬洛香山風流足萬古

水調歌頭

葛仙翁池

程曰鵬

翠點層山際紅染小橋秋一溪盤繞仙跡地湧碧泉流



晝霽銀花捧日夜靜金鱗躍月竹影鳥聲幽冰鑑疎人  
立穀皺亂雲收 武彝曲蓬海島華峰頭清涼仙界浣  
花濯錦總難儔不必鍊丹龍井豈待尋砂勾漏此地卽  
丹丘塵土一爲滌真在葛天游

滿庭芳

白樂天祠

程曰鵬

名冠香山韻流司馬宅兆誰識孤蹤村西小徑林掩野  
花紅行到水環山繞簷廊靜好鳥啼風停車問溪邊釣  
叟爲道樂天宮 知公仙隱處隨桃傍柳漱石餐松自  
拂袖歸來訪道壑峒遺得層臺古樹標青漢烟鎖雲封

最堪羨憑闌遠眺蒼翠隱嵩峰

霓裳中序第一

雙浦秋波

張廷秀

邑庠生

河山拱天闕伊洛遙來秀相結兩水合消溱清折喜泉  
響琴音渡爭桃葉葭蒼時節宕金飈浪翻銀雪柳堤畔  
采菱歌斷又欸乃聲接 猶說當年勲業乘輿人流風  
無歇漫云斷簡殘褐只紅蓼汀頭白蘋渚上常明碧霄  
月看依岸烟村排列曉城晴日光浮動翠色隱千疊

藝文志下論

文章爲不朽之盛業欲名世而傳後不亦難乎常觀

英敏之才動有瑰麗之作或人不足當而事有未確則其文不傳倘事既可驚可愕人亦可法可師而不值文壇宗匠則又不傳既有高文韻事而人亦知珍重愛惜忽經焚蕩之虞兵戈之擾竟同于烟消瓦滅也更不得傳間常取葛志觀之而知吾說之不誣也葛邑名賢令宰高人韻士不爲少矣况鄭之爲命曾見稱于仲尼今藝文所存何寥寥也殆亦作者難識者更難又值兵燹之餘也如前志堂陛之旌揚政教之紀述但存典章于載籍而已豈僅以文章觀哉其

間或述前賢之德行或記古蹟之廢興他如申遐想  
于高歌寄幽思于雅奏僅得數十篇惟此鄉黨英賢  
宦遊俊傑雖體緣旨異情因事遷要非言有依歸而  
事存典核不足名世而傳後也幸值

右文之世

衡鑑有人所謂一藝無不庸小善無不錄昔何其難  
而今何其易非文有幸不幸而時有遇不遇也士君  
子可不相與勉諸

長葛縣志卷之八終

本是歲因梓費惟艱舉行未果今丙申夏余考績屆期葛諸君子不忍以缺畧貽余未脩復以續志勗余有成余始執鞭從事曰修明之事余之責也夫余與黃子狄門路子振九張子聞野武子亦隆辛子霞旭呂子蘭臯李子方旭邢子季芳張子復一尹子莘野李子昌期李子元冲張子相我商確叅訂剗彩摘實廣集益思以勒成一書宛日星之經天江河之緯地昭然在人耳目也卽往哲前徽當時序志者秦有李令楚有黎令閩有學正宥有李令汴有宗正葛有方

伯析義摘竒火藻山華極文字之工雖美不錄亦曰  
存其誠著其事也余何敢同子雲之漫然擬易郭公  
之傳疑春秋也哉

修長葛縣志原跋

邑進士黃朝薦

繻葛舊有邑乘不知始於何年何人正德年間先儒  
少叅車公會修之其考據精詳折衷適當自擅一時  
之盛然百年有竒其間存往訓來比事類情者不無  
遺義不肖初上公車時竊嘗有感焉而未敢發也辛  
巳滄桑變革故籍銷沉茫茫數載始得錄本於池陽

舊令尹李公笥中丙申夏抄邑侯徐父母報政奏最  
政平民和百廢俱興迺一日進薦等而謂之曰邑之  
有志猶國之有史也葛邑夙稱古茂百年內沿革興  
廢遞爲變遷烏可無志補舊增新當事者責也幸共  
圖之薦等受教唯唯於是携全社諸君子立例逐類  
取舊章清錄再爲釐正間附新聞逐款叅訂時一脫  
藁徐侯立爲潤色頓覺改觀不誇多闢靡亦不敢因  
陋就簡彬彬魚雅以成一代之書行將與陳魯南金  
陵志邵二泉許州志並傳不朽先達車公有知亦必



感恩舒憤於真漢矣此施所由盡此一時一世哉

長葛縣志卷之八

原跋

原跋



續修長葛縣志跋

邑之有志猶國之有史也史有

紀有傳有書有志志特史之一

體耳而全體具焉天之分野地

之疆索政治之得失風俗之美

惡皆於是乎徵之亦綦重已葛  
邑舊志修於前令徐公垂三十  
餘年風俗之移易丕變日新於  
是

大中丞閻公以天下才作中原牧

取豫省通志延名儒置局修緝  
若郡若邑以次具舉

邑父母何晴山先生夙負三長祗

共上令退食扁鑰手一編而增

刪之褒貶抑揚胥徵輿誦古蹟

沿革必躬履厥地按之圖籍訊  
之故老蓋其慎哉修旣成上之  
大中丞稱善而付諸梓雖以予不  
敏亦與討論末議一言竣後職  
不容辭竊觀

國家政教之隆與

大中丞德化之盛以及

先生移風易俗恪遵功令之意

皆可以振前古而昭來茲爲萬

世不刊之令典其必傳於後無


疑也若其大綱細目凡例精詳  
觀者苑其鴻裁而銜其山川此  
又文章之餘事也已謹跋

康熙三十年歲次辛未七月望

日長葛縣儒學教諭呂賁恒跋



言



反

日

